

到命門迴欲收虎髓居龍窟先學龜呼接鶴胎雖未堅凝經水火修仙得此是瑤环

重陽子曰首句言此地一聲開此一聲是父母生我之時抑吾得手之候邪禪家曰父母未生前如何是本來面目又曰如何是祖師西來意觀此得玄即可得禪矣蓋父母未生時之面目一聲開後漸漸失真氣不上升天風不怖口鼻雙拳焉能存此本來邪所以禪家用如何是三字猶云如何是下手也人惟參透此西來兩字之義便知龍虎相媾離坎相交如龜呼之一氣運行而後鶴胎不老從此得濟失卻幾壞之面目仍復渾元之面目將見水火堅凝相制相和而得胎有

道藏輯要

三寶心鑑

三

壁集四

自矣

鍊己

萬事無如鍊己難仙凡從此隔雲端身眠繁圃三春煖心住孤峯六月寒今日鉗錘成鐵漢他年鉛汞結金丹若將鍊己看容易終見紅鑪雪渺漫

海蟾子曰仙凡之別從此而分世人著意鶯花高眠繁圃豈能忘情身世獨住孤峯必也鍊慧劍以衛身鍊戊己以澄心今日之難可博他年之易否則失此一著冒昧從事紅鑪雪漫悔何及邪

藥物